



UNIVERSITÄTS-
BIBLIOTHEK
PADERBORN

Universitätsbibliothek Paderborn

T. Petroni[i] Arbitri in Dalmatia nuper repertum Fragmentum

Petronius <Arbiter>

Lipsiae, 1666

Præfatio, quam sub Typographi nomine præmiserunt huic fragmento, qui
id primum Patavii edidere.

urn:nbn:de:hbz:466:1-12903

Præfatio, quam sub Typographi nomine præmiserunt huic fragmento, qui id primum Patavii edidit.

Marinus Statileus Traguriensis, vir diligens, & eruditus, cum olim post absolutum jurisprudentiæ studium Patavio reversus in patriam, offendisset in Bibliotheca Nicolai Cippici amici omnibus officiis conjuncti sibi, antiquum volumen, in eoque unà cum carminibus Horatii vulgaris exempli, Satyricon Petronii Arbitri; in quo præter ea, quæ de operis hujus auctore circumferuntur, plurima notasset nova, neque in impressis legi solita, deliberare apud se cœpit de scripto publicæ literatorum delectationi non invidendo, cum præter antiquitatem codicis, ad pretium inventi conferre plurimum videretur, quod liber Hectori quondam Cippico possessus putabatur, hujus Nicolai abavo, viro longè doctissimo, magnæque inter suos auctoritatis, & famæ, quemque tradunt literis & optimarum artium gloria proximum floruisse Coriolano Cippico consobrino suo scriptori elegantis historiæ De bello Asiatico, quod Venetis cum Mahomete Secundo Turcarum Principe gessere Petri Mocenici ductu; cujus quidem scriptoris honorifica mentio extat apud Palladium Fuscum in opusculo De situ oræ Illyrici, & apud M. Ant. Sabellicum De antiquæ lingvæ reparatione: cumque idcirco satis causa habere se crederet, ne, quod invenerat contemnendum.

K

puta-

putaret, cum doctioribus quibusque suum consilium, primo in patria, deinde Venetiis, ac Patavii communicavit; sed imprimis cum Johanne Rhodio profunda eruditionis, & solidi iudicii viro. Et quia res visa omnibus est magni in primis momenti, propter singulare auctoris de puritate, & elegantia linguae Latinae meritum, cuius germanum hunc partum ut crederet, multis, atque indubiis argumentis adducebatur: destinavit commo-
 diori meditationi curam vulgandi scripti, notisque & castigationibus illustrandi; sed quoniam suum propositum aliis occupationibus distentus exequi differebat, cruciabatque ea mora multorum doctorum hominum commotos exspectatione animos, Venetus ad Summum Pontificem Orator suum ei rei studium, auctoritatemque commodavit: quamvis enim gravissimis urgeatur negotiis, intentaque, & assidua mentis agitatione opus habeat, & ut suo amplissimo muneri, ea, quam omnes in eo admirantur prudentia, consilio, dexteritate respondeat; studia tamen optimarum artium, pulcherrimum sapienti viro molestis à curis laxamentum existimat: utque est amantissimus literarum, rei que literariae promovendae maximè cupidus, egit cum Statileo vehementer, ut saltem exemplum ejus partis libri, quae Petronius hic Traguriensis ab exemplaribus vulgatis diversus est Romam ad se mitteret, quod non tardè, nec operosè obtinuit. Itaque tanti Legati beneficio doctissimi cuiusque in urbe censurae subiectus liber, opinionem sui, quam è Dalmatia, Venetiisque ac Patavio attulerat, facile retinere est visus. Primò, quia antiquitatis scripturae ducentorum amplius annorum (quam illi ne-

mo non tribuit omni illum suspitione suppositionis liberat, quod ei seculo non ad huc adeo subtiliter saperent sermonis Romani lauritia, ut hujus auctoris non alia re, quam elegantia commendati famam anxie ac laboriose assuere voluerint lucubrationibus suis eruditi viri: Deinde, quod lacuna plerumque, & hiatus, quibus laborant vulgati codices, egregie per haec scripta explentur, & complanantur, & sicubi in ipsis lacunis verba aliqua pauca, nec integrae sententiae extant, hoc supplemento suis locis aptata, & suo sensui restituta leguntur; idemque accidit de narratione casus infelicis illius vasorum artificis, quam à Johanne Sarisberienſi accepimus Petronianam esse: cujusmodi etiam est eodem auctore porcus Trimalcionis aliis animalibus, atque escis gravidus, qui in hoc fragmento lepidissime describitur. Accedit res omnium gravissima, stilus non abhorrens à Petronii charactere: Verum quia hoc ipsum nequam perpetuum est, nec pauca dictiones occurrunt insolentes Romanis auribus, ac sententiae etiam quaedam non usquequaque Petroniani saporis, non nemo est qui dubitat ne id accidat scripturae vitio non ex omni parte germanae: aliis librariorum culpa esse videtur, qui excubando alia ex aliis exemplaria errores erroribus accumularint, notasque fortasse in margine librorum inventas auctoris verbis immiscuerint. Nobis rem in medio ponere consilium est, & iudicio legentium integram relinquere: itaque fragmentum ipsum Statilei ejus inventoris manu diligenter à suo veteri exemplari descriptum, nudum, & quale ab eodem impetratum accepimus, correctis dumtaxat nonnullis gravio-

ribus orthographiae mendis, publici juris facere decre-
 vimus; quo materia praebeatur decoris ingenii, & hu-
 jusmodi linguae Latinae munditiarum intelligentibus,
 hoc se pulvere exercendi, scriptoremque omnium lep-
 disimum hac etiam sui parte à temporis injuriis vin-
 dicandi. Accipe igitur, humanissime Lector, hunc no-
 strum qualiscunque est, laborem, & conatum prom-
 vendi pro virili parte Latinas literas boni consule-
 operisque elegantissimi integritati, quantum li-
 cuit, consultum esse pro tuo erga bonas ar-
 tes studio gratulare.



JOAN